

**Program transformasi kerajaan BN bawa kemakmuran kepada semua
Utusan Online
29 Julai, 2012**

TASEK GELUGOR 29 Julai - Program transformasi yang dilaksanakan oleh kerajaan pimpinan Perdana Menteri, Datuk Seri Najib Tun Razak adalah untuk membawa kemakmuran kepada semua lapisan rakyat.

Menteri di Jabatan Perdana Menteri, Tan Sri Nor Mohamed Yakcop berkata, kerajaan Barisan Nasional (BN) mempunyai pelan yang kukuh untuk membawa rakyat ke satu tahap hidup yang lebih berkualiti.

Katanya, kerajaan BN sentiasa bersungguh-sungguh dalam memikirkan pelbagai kaedah untuk meningkatkan kualiti hidup rakyat dan program transformasi seperti Program Transformasi Ekonomi (ETP) telah mula dirasai.

"Kejayaan program transformasi memang menjadi satu isu untuk pembangkang kerana mereka selalu menyatakan kerajaan tidak tahu buat kerja. Kerja pembangkang hanya membantah sahaja walaupun tahu itu baik untuk rakyat," katanya kepada pemberita selepas menyerahkan sumbangan wang tunai kepada 225 warga emas dan ibu tunggal di sini hari ini.

Nor Mohamed berkata demikian sebagai mengulas kenyataan bekas Naib Pengerusi DAP, Tunku Abdul Aziz Tunku Ibrahim dan Naib Presiden Pas, Salahuddin Ayub baru-baru ini.

Hakcipta Terpelihara © UTUSAN MELAYU (M) BERHAD

Source: http://www.utusan.com.my/utusan/Dalam_Negeri/20120729/dn_12/Program-transformasi-kerajaan-BN-bawa-kemakmuran-kepada-semua